

կը նորոգէ Ս. Յակոբի վանքը, վճարելով նաև անոր պարտքը ծանր և մեծ աշխատանքով, և կը ճոխացնէ վանքին ոսկեղէն և արծաթեղէն անօթները (1614 - 1630) (ՄՁ. թ. 15): Շինել կուտայ Ս. Յարութեան մօտ՝ Ս. Յովհաննու մատրան կամարները 1631ին. վերնատան եկեղեցիին (Բ. Գողգոթա) երկայնուժիւնը ընդարձակած է երեք կամարներ տանելով Լատիններէն, և փոխարէն անոնց տալով երգեհոնին կից խուցը 1632ին. 1634ի Ծռաղատիկն (ՄՁ. թ. 23) Կրիգոր պարք. աջակցութեամբ արքունի հանդերձապետ Բաղիշեցի Աւետիքի, խոսվութեանց առաջքը կ'առնու և խողաղութեամբ կը կատարուի Զատիկը. Ս. Յարութեան տաճարին մէջ Ծռաղատիկի սուրբ զոյացած ծախսերն և Ս. Յակոբի մնացեալ պարտքը վճարելու համար կ'ուղևորի Տիգրանակերտ 1634ին, (Թորոս Աղբար Բ. էջ 432) և ապա Բերիա. նոյն թուականին վերագտնալով կը շինէ Ս. Փրկչի վանքին պարիսպները, զերծ մնալու համար սեղացիներուն գիշերային յարձակումներէն. 1641ին, Պեթճալա գիւղի մօտ, կը գնէ այգիներ և ձիթատաններ, և կը կառուցանէ Վելիճէ գիւղի աղբիւրը 1642ին: Կրիգոր Պարք. կը վախճանի 1645ին, և մօրմինը կ'ամփոփուի, ի նշան երախտագիտութեան, Ս. Փրկչի վանքին մէջ. այս ժամանակէն սկսեալ, սովորութիւն կը դառնայ Ս. Յակոբի հանգուցեալ պատրիարքներու մօրմինները ամփոփել Ս. Փրկչի մէջ: Իր մահէն յետոյ, Ս. Յակոբի և Ս. Տեղերու մէջ Ս. Պատարագի ատեն գոնորիւն եւ փառաբանորիւն քարոզին մէջ կը յիշատակուի իր անունը. (Սաւաղան և ժպե.) Զուար ձիյէրճի օղլու ուխտաւոր հայ քահանան (1711-1712) իր ողբերգութեան մէջ կը յիշատակէ թէ՛ Կրիգոր Պարք. Պարոնտէրի դամբարանը գմբէթուօր էր:

Կրիգոր Պարք.ի ժամանակակից գրիչ մը՝ Յովհան Խիզանցի նոյն Պարք.ին կենսագրականն յետոյ՝ կը յիշէ օրուան միաբաններուն անունները ՌՁէ (= 1638) թուական ձեռագիր Յայաւաւորի մը (ՄՁ. թ. 1919) յիշատակարանին մէջ հետեւեալ կերպով. գօր Կարապետ երջանիկ ըսբունապետն և ած.արան վրդ.ն եւ գլւբ աշակերտն գօր Ասեփաւնուս, եւ գայլ միաբան եղբարն որ կան այժմ ի սպասաւորութիւն Ս. Յակոբայ, գՅալոք եպս. գօր Կրիգոր վրդ.ն որ բազում ամօք կայ առ դամբարանիս սբ. Յակոբայ, գօր Ասեփաւնուս, գօր Մկրթյան, գօր Մեղիսեդեկեկ, գեղեղի Յոնան գրիչս, գօր Վարդան, գօր Յովնանեկս շաւարան,